



Pou Piblikasyon Imedya: 04/10/2023

GOUVÈNÈ KATHY HOCHUL

## DEKLARASYON GOUVÈNÈ HOCHUL SOU PREMYE ANIVÈSÈ ENVESTISMAN 100 MILYA DOLA MICRON NAN NEW YORK

"Sa gen yon ane jodi a, nou te anonse nouvèl ki pral chanje trajektwa avni ekonomik nou an: Micron ap pote 100 milya dola ak prèske 50,000 djòb nan Sant New York.

"Sa deja chanje bagay yo pou ekonomi nou an. Omwen twa lòt biznis semikondiktè te anonse plan pou fè New York tounen lakay yo depi lè sa a. Nou te jwenn avantaj kominotè prensipal nan peyi a, tankou gadri abòdab ak Fon Envestisman Kominotè 500 milyon dola, pou sipòte pwochen anplwaye Micron yo ak kominote Sant New York la. Epi nou te kòmanse reyinyon Komite Angajman Kominotè a, kote kontribisyon an pral asire yo tande tout vwa yo pandan n ap aplike pwojè istorik ak transfòmasyon sa a.

"Sètènman, patenarya ekstrawòdinè sa a avèk Micron te vini grasa travay di ak devouman yon ekip Nouyòkè ini. Lejislasyon Green CHIPS New York, ke mwen te siyen ane pase a, ak patenarya nou avèk Lidè Majorite Schumer, Senatè Gillibrand, ak Egzekitif Konte McMahon ap mete nou sou chemen pou fè Eta New York tounen yon sant mondyal pou fabrikasyon pis. Mwen te lanse Biwo Ekspansyon, Jesyon, ak Entegrasyon Semikondiktè Gouvènè a, oswa GO-SEMI, pou ranfòse efò sa yo, epi nou te investi 24 milyon dola atravè Biwo Devlopman Estratejik Mendèv (Office of Strategic Workforce Development, OSWD) nou an pou fòme travayè nou yo pou travay demen yo. Epi kounye a, n ap travay nan tè kole ak Micron sou patenarya avèk lekòl ak inivèsite lokal yo pou prepare etidyan yo pou 50,000 nouvo djòb Micron pral pote nan rejyon an.

"Antanke premye Gouvènè ki soti nò Eta New York nan prèske yon syèk, sa se yon bagay pèsònèl pou mwen. Mwen konnen ki jan anpil kominote te santi yo abandone yo te rete dèyè lè travay nan fabrikasyon yo te ale aletranje – epi mwen konnen ki jan investisman sa a pral fè yon enpak transfòmasyon pou chanje trajekwa istwa rejyon sa a. Lavni an klere pou New York akòz investisman istorik sa a".

###

Lèt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418